

Mamā

Mamālē brungi! Dielkuo sapnūsē
Dèdlē mažā terokoujīs?
Vēs nušēlusi dirbi, lēki
Tomsē koskelē kvietkouto.

Gal mes tamstā buvuom gīvā
Pakīriejē, širdi uždevē?
Gal tū darbū begaliniu
Negali nie tēn pabēngtē?

Kartās sapnie tuoki rimta
Suki kastini, vèrdi pēitus,
Kartās su ousēnēs naštēs
Nēši undini iš šaltenē.

Vuo tonkiausē – lēnus vèrpi:
Sokās kalvarats bildiedams,
Sparnā lek geltuonā pēlkē,
Sning aplinkou smolkē spalē.

Užkrimt unt šèrdēis kap akmou:
Tèik padietē nuoriečiuo tamstā!
Tik ka ronkas tuos – kap medē,
Kuojs smagēs – kap švėnėnēs.

Pailsiek, pasirokoukev!
Kuo tèik, mamulieli, skubi?
Gal tēi siūlā – mūsa gīvenėms
Lek i pabonga kap i špoulė?

Jug žėnā: je mes išnīksem,
Puo velieno atsigolsem –
Niekumet nebsusitėksem.
Juokiūsė kraštūsė, juokiūsė sapnūsė.

Vilniou, 2004-09-14